

丙籤二十四高適之二

唐音統籤卷

一百十六

五言古詩二

同韓四薛三東亭翫月

遠遊悵不樂茲賞吾道存款曲故人意辛勤清夜
言東亭何寥寥佳境無朝昏堦墀近洲渚戶牖當
郊一作高原矧乃窮周旋游目怡討論樹陰蕩瑤瑟
月氣延清樽明河帶飛鴈野火連荒村對此更愁
予悠哉懷故園

同羣公出獵海上

畋獵自古昔况伊心賞俱偶與羣公遊曠然出平

蕪層陰漲溟海殺氣窮幽都鷹隼何翩翩馳驟相
傳呼豺狼竄榛莽麋鹿罹艱虞高鳥下騂弓困獸
關匹夫塵驚大澤晦火燎深林枯失之有餘恨獲
者無全軀咄彼工拙問恨非指蹤徒猶懷老氏訓
感歎此歡娛

同房侍御山園新亭與邢判官同遊

隱隱春城外蒙籠陳跡深君子顧榛莽興言傷古
今決河導新流疏逕蹤舊林開亭俯川陸時景宜
招尋肅穆逢使軒賁綠事登臨忝遊芝蘭室還對
桃李陰岸遠白波來氣暄黃鳥吟因覩歌頌作始

知經濟心灌壇有遺風單父多鳴琴誰爲久州縣
蒼生懷德音

同羣公題鄭少府田家

此公昔任白馬尉今寄住滑臺

鄭侯應恓惶五十頭盡白昔爲南昌尉今作東郡
客與語多遠情論心知所益秋林旣清曠窮巷空
淅瀝蝶夢園更聞雞鳴日云夕男兒未稱意其道
固無適勸君且杜門勿歎人事隔

同薛司直諸公秋霽曲江俯見南山

南山鬱初霽曲江湛不流若臨瑤池前想望崑崙
丘迴首見黛色眇然波上秋深沉俯睫嶸嶸清淺延

阻修連潭萬木影插岸千巖幽杳靄信難測淵淪
無暗投片雲對漁父獨鳥隨虛舟我心寄青霞世
事慚白鷗得意在乘興忘懷非外求良辰自多暇
欣與數子遊

同敬八盧五汎河間清河

清川在城下沿汎多所宜同濟愜數公翫物欣良
時飄飄波上興燕婉舟中詞昔陟乃平原今來忽
漣漪東流達滄海西流延漳池雲樹共晦明井邑
相逶迤稍隨歸月帆若與沙鷗期漁父更留我前
潭水未滋

同羣公秋登琴臺

古跡使人感琴臺空寂寥靜然顧遺塵千載如昨
朝臨眺自茲始羣賢久相邀德與形神高孰知天
地遙四時何倏忽六月鳴秋蛩萬象歸白帝平川
橫赤霄猶是對夏伏幾時有涼颼燕雀滿簷楹鴻
鵠搏扶搖物性各自得我心在漁樵兀然還復醉
尚握樽中瓢

同羣公題中山寺

平原十里外稍稍雲巖深遂及清淨所都無人世
心名僧旣禮謁高閣復登臨石壁倚松徑山田多

果林超遙盡巉岨逼側仍崿嶽吾欲休世事於焉
聊自任

同呂判官從哥舒大夫破洪濟城廻登積石
軍多福寺七級浮圖

塞口連濁河轅門對山寺寧知鞍馬上獨有登臨
事七級凌太清千崖列蒼翠飄飄方寓目想像見
深意高興殊未平涼風颯然至拔城陣雲合轉旆
胡星墜大將何英靈官軍動天地常懷生羽翼本
欲附騏驎款段苦不前青冥信難致一歌陽春後
三歎終自愧

同諸公登慈恩寺浮圖

香界泯羣有浮圖豈諸相登臨駭孤高披拂欣大
壯言是羽翼生迴出虛空上頓疑身世別乃覺形
神王宮闕皆戶前山河盡簷向秋風昨夜至秦塞
多清曠千里何蒼蒼五陵鬱相望盛時慙阮步末
宦知周防輪效獨無因斯焉可遊放

同馬太守聽九思法師講金剛經

吾師晉陽寶傑出山河最途經世諦間心到空王
外鳴鐘山虎伏說法天龍會了義同建瓴梵法若
吹籟深知億劫苦善喻恒沙大捨施割肌膚攀緣

去親愛招提何清淨良牧駐輕蓋露冕衆香中臨
人覺苑內心持佛印久標割魔軍一作退願開
一作初地因永奉彌天對

和賀蘭判官望北海作

聖代務平典輜軒推上才遙遙溟海際曠望滄波
開四牡未遑息三山安在哉巨鼇不可釣高浪何
崔嵬湛湛朝百谷茫茫連九垓挹流納廣大觀異
增遲迴日出見魚目月圓知蚌胎跡非想像到心
以精靈猜遠色帶孤嶼虛聲涵殷雷風行越裳貢
水遏天吳災境纒隼將擊忘機鷗復來綠情韻騷

雅獨立遺塵埃吏道竟殊用翰林仍忝陪長鳴謝
知己所媿非龍媒

和崔二少府登楚丘城作

故人亦不遇異縣久棲託辛勤失路意感歎登樓
作清晨眺原野獨立窮寥廓雲散芒碭山水還睢
陽郭遠梁即襟帶封衛多漂泊事古悲城池年豐
愛墟落相逢俱未展携手空蕭索何意千里心仍
求百金諾公侯皆我輩動用在謀畧聖心思賢才
竭來刈葵藿

荅侯少府

常日好讀書晚年學垂綸漆園多喬木睢水清
翻詔書下柴門天命敢逡巡赫赫三伏時十日
到咸秦褐衣不得見黃綬翻在身吏道頓羈束
生涯難重陳北使經大寒關山饒苦辛邊兵若
鬬狗戰骨成埃塵行矣勿復言歸歟傷我神如
何燕趙陸忽遇平生親開館納征騎彈絃娛遠
賓飄飄天地間一別方茲晨東道有佳作南朝無
此人性靈出萬象風骨超常倫吾黨謝王粲羣賢
推却詵明時取彥才落日遇蒲津節苦名已富
祿歛家轉貧相逢愧薄遊撫已荷陶鈞心事正堪
盡離居一作寧

太頻兩河歸路遙二月芳草新柳接滹沱暗鶯連
渤海春誰謂行路難猥當希代珍提握每終日相
思猶比鄰江海有扁舟立園有角巾君意定何適
我懷知所遵浮沈各異宜老大貴全真莫作雲霄
計遑遑隨緒紳

奉酬北海李太守丈人夏日平陰亭

天子股肱守丈人山嶽靈出身侍丹墀舉翮凌青
冥當昔皇運否人神俱未寧諫官莫敢議酷吏方
專刑谷永獨言事匡衡多引經兩朝納深衷萬乘
無不聽盛烈播南史雄詞豁東溟誰謂整隼旟翻

然憶柴局寄書汶陽客
迴首平陰亭開封見千里
結念存百齡隱軫江山麗
一作氛氲蘭茝馨自憐
遇時休漂泊隨流萍
春野變木德夏天臨火星一
生徒羨魚四十猶聚螢
從此日閑放焉能懷拾青
酬裴員外以詩代書

少時方浩蕩遇物猶塵埃
既畧身外事交游天下
才單車入燕趙獨立心悠哉
寧知戎馬間忽展平生懷
且欣清論高豈顧夕陽頽
題詩碣石館縱酒燕王臺
北望沙漠垂漫天雪皚皚
臨邊無策畧覽古空徘徊
樂毅吾所憐拔齊翻見猜
荆卿吾所悲

適秦不復迴然諾多死地公忠成禍胎與君從此
醉每恐流年催如何俱老大始復忘形骸兄弟真
二陸聲名連八裴乙未將星變賊臣候天災胡騎
犯龍山乘輿經馬嵬千官無倚着萬姓徒悲哀誅
呂鬼神動安劉天地開奔波走風塵倏忽值雲雷
擁旄出淮甸入幕徵楚材誓當剪鯨蜃永以竭駑
駘小人胡不仁讒我成死灰賴得日月明照耀無
不該留司洛陽宮詹府唯蒿萊是時掃氛祲尚未
熾渠魁背河列長圍師老將亦乖歸軍劇風火散
卒爭權壘一夕灑洛空生靈悲曝腮衣冠投草莽

予欲馳江淮登頓宛葉下栖遑襄鄧隈城池何蕭
條邑屋更崩摧縱橫荆棘叢但見瓦礫堆行人無
血色戰骨多青苔遂除彭門守因得朝玉階激昂
仰鵷鷺獻替欣鹽梅驅傳及遠蕃憂思鬱難排罷
人紛爭訟賦稅如山崖所思在畿甸曾是魯宓儕
自從拜郎官列宿煥天街那能訪遐僻還復寄瓊
環金玉本高價埴篲終易諧朗詠臨清秋涼風下
庭槐何意寇盜間獨稱名義偕辛酸陳侯誄陳二補闕
銘誄卽裴所爲歎息季鷹杯白日屢分手青春不再來卧
看中散論愁憶太常齋酬贈徒爲爾長歌還自吟

同呂員外酬田著作作幕

一作莫

門軍西宿盤山

秋夜作

磧路天早秋邊城夜應永遙傳戎旅作已報關山
冷上將頓盤坂諸軍徧泉井綢繆閩外書慷慨暮
中請能使勲業高動令氛霧屏遠途能自致短步
終難騁羽翮時一看窮愁始三省人生感然諾何
害若形影白髮知苦心陽春見佳境

一作景

星河連

塞絡刁斗兼山靜憶君霜露時使我空引領

酬鴻臚裴主簿雨後睢陽北樓見贈之作

一作

王昌

齡詩

暮霞照新晴歸雲猶相逐有懷晨昏暇想見登眺
目問禮侍形襜題詩訪茅屋高樓多古今陳事滿
陵谷地久微子封臺餘孝王築徘徊顧霄漢豁達
俯川陸遠水對秋城長天向喬木公門何清淨列
戟森已肅不歎攜手稀恒思着鞭速終當拂羽翰
輕舉隨鴻鵠

酬龐十兵曹

憶昔遊京華自言生羽翼懷書訪知己末路空相
識許國不成名還家有慙色託身從畎畝浪跡初
自得雨澤感天時耕耘忘帝力同人洛陽至問我

睢水北遂爾款津涯
淨然見胸臆高談懸物象
逸韻投翰墨別岸迴無垠
海鶴鳴不息梁城多古意
攜手共悽惻懷賢想鄒枚
登高思荆棘世情惡疵賤
之子憐孤直酬贈感并深
離憂豈終極

酬司空璠少府

飄飄未得意感激與誰論
昨日遇夫子仍欣吾道存
江山滿詞賦札翰起涼溫
吾見風雅作人知德業尊
驚飈蕩萬木秋氣屯高原
燕趙何蒼茫鴻鴈來翩翩
此時與君別握手欲無言

酬李少府

出塞竟屢驚種賢意難說誰知吾道間乃在客中
別日夕捧瓊瑤相思無休歇伊人雖薄宦舉代推
高節述作凌江山聲華滿冰雪一登薊丘山四顧
何慘烈來鴈無盡時邊風正騷屑將從崖谷遁且
與沈浮絕君若登青雲吾當投魏闕

酬陸少府

朝臨淇水岸還望衛人邑別意在山阿征途背原
隰蕭蕭一作稍稍前村口唯見轉蓬入水渚人去遲霜
天鴈飛急固應不遠別一作我行應不遠所與路一作終未
及欲濟川上舟相思空佇立

酬岑二十主簿秋夜見贈之作

舍下蛩亂鳴居然自蕭索緬懷高秋興忽在清夜
作感物我心勞涼風驚二毛池空一作枯菡萏死月

出梧桐高如何異鄉縣復得交才彥泪沒嗟後時

蹉跎耻相見箕山別來久魏闕誰不戀獨有江海

心悠悠

一作然

未嘗倦

酬裴秀才

男兒貴得意何必相知早飄蕩與物永

一作華

蹉跎

覺年

一作身

老長卿無產業李子慙妻嫂此事難重

陳未於

一作爲

衆人道

酬馬八效古見贈

深

一作谿

崖無綠竹秀色徒氛氲時代桃桃李無人

顧此君奈何冰雪操尚與蒿萊羣願托靈仙子一
聲吹入雲

淇上酬薛三據兼寄郭少府微

自從別京華我心乃蕭索十年守章句萬事空寥
落北上登薊門茫茫見沙漠倚劍對風塵慨然思
衛霍拂衣去燕趙驅馬悵不樂天長滄洲路日暮
邯鄲郭酒肆或淹留漁潭屢棲泊獨行備艱險所
見窮善惡永願拯芻蕘云

辭一作

于鼎鑊皇情念

淳古時俗何浮薄理道貧

一作須

任賢安人在求瘼

故交負靈奇逸氣抱蹇諤隱軫經濟具縱橫建安

作才望忽先鳴風期無宿諾飄泊勞州縣迢遞限

言謠東馳眇貝丘西顧弭號畧淇水徒自流浮雲

不堪託吾謀適可用天路豈寥廓不然買山田一

身與耕鑿且欲同鷦鷯焉能志鴻鵠

一作鷦鷯

酬秘書弟兼寄幕下諸公

并序

乙亥歲適徵詣長安時侍御楊公任通事舍人
詩書起予蓋終日矣今年適自封丘尉統吏卒
於青夷途經博陵得太守員公之政相見如舊
他日之意存焉司業張侯周旋追茲僅三十載
將疇昔是好匪窮達之異乎族弟秘書鵬序之
白眉者風塵一別俱東西南北之人惓然相澤

適與願契旅館之暇長懷益增
因賦是詩愧非六義之流也

亞相膺時傑羣才遇良工翻翻幕下來拜賜甘泉
宮信知命世奇適會非常功待御執邦憲清詞煥
春叢末路望繡衣他時常發蒙執云三軍壯懼我
彈射雄誰謂萬里遙在我樽俎中光祿經濟器精
微自深衷前席屢榮問長城兼在躬高蹤激頽波
逸翮馳蒼穹將副節制籌欲令沙漠空司業志應
徐雅度思冲融相思三十年憶昨猶兒童今來抱
青紫忽若披鴈鴻說劍增慷慨論交持始終秘書
郎吾門虛白無不通多才陸平原碩學鄭司農獻

封到關西獨步歸山東永意久知處嘉言能亢宗
客人梁宋來行役隨轉蓬酬贈欣元弟憶賢瞻數
公游鱗戲滄浪鳴鳳棲梧桐並負垂天翼俱乘破
浪風耽耽天府間偃仰誰敢同何意構廣廈翻然
顧雕蟲應知阮步兵惆悵此途窮

未終

丙籤二十四高適之三

唐音統籤卷七

一百十七

五言古詩三

李雲南征蠻詩

并序

天寶十一載有詔伐西南夷右相楊公兼節制之寄乃奏前雲南太守李宓涉海自交趾擊之道路險艱往復數萬里蓋百王所未通也十二載四月至於長安君子是以知廟堂使能而李公効節適忝斯人之舊因賦是詩

聖人赫斯怒詔伐西南戎肅穆廟堂上深沈節制

雄遂令感激士得建

見一作

非常功料死不料敵顧

恩寧顧終鼓行天海外轉戰蠻夷中梯巘近高鳥

穿林經毒蠱鬼門無歸客北戶多南風蜂虿隔萬

里雲雷隨九攻長驅大浪破急擊羣山空餽道忽
已遠懸軍垂欲窮精誠動白日憤薄連蒼穹野食
掘田鼠哺餐兼饗僮收兵列亭堠拓地彌西東臨
事耻苟免履危能飭躬將星獨照耀邊色何溟濛
瀘水夜可涉交州今始通歸來長安道召見甘泉
宮廉藺若未死孫吳知暗同相逢論意氣慷慨謝
深衷後宐至天寶十三載兵敗為南詔所擒客齋
隨筆據此詩謂史不足憑蓋失考此詩作于
其前也

東平留贈狄司馬

曾與田安
西充判官

古人無宿諾茲道以

一作未

為難萬里赴知己一言

誠可歎馬蹄經月窟劒術指樓蘭地出北庭盡城

臨西海寒森然瞻武庫則是一作剛若弄儒翰入幕綰

銀綬乘輅兼鐵冠練兵日精銳殺敵無遺殘獻捷

見天子論功俘可汗激昂丹墀下顧盼青雲端誰

謂縱橫策翻爲權勢干將軍旣坎壈使者亦辛酸

耿介挹一作揖三事羈離從一官知君不得意他日

會鵬搏

單父逢鄧司倉覆倉庫因而有贈

邦牧今坐嘯羣賢趨紀綱四人忽不擾耕者遙相

望粲粲府中妙授詞如履霜炎炎伏熱時草木無

晶光匹馬度睢水清風何激揚校緝閱帑藏發廩
欣斯籍邂逅得相逢歡言至夕陽開襟自公餘載
酒登琴堂舉杯挹山川寓目窮毫芒白鳥向田盪
青蟬歸路長醉中不惜別况乃正遊梁

過廬明府有贈

良吏不易得古人今可傳靜然本諸已以此知其
賢我行挹高風羨爾兼少年習懷豁清夜史漢如
流泉明日復行春逶迤出郊壇登高見百里桑野
鬱芊芊時平俯鵲巢歲熟多人煙奸猾唯閉戶逃
亡歸種田迴軒自郭南老幼滿馬前皆賀蠶農至

事作而無徭役牽君觀黎庶心撫之誠萬金何幸

逢大道願言烹小鮮能奏明廷主一作誰能一試

武城絃

鉅鹿贈李少府

李侯雖薄宦時譽何籍籍駿馬常借人黃金每聞
客投壺華館靜縱酒涼風夕卽此遇神僊吾欣知
損益

效古贈崔二

十月河洲時一看有歸思風颺生慘烈雨雪暗天
地我輩今胡爲浩哉迷所至緬懷富室者有濟濟居

聲位邈然在雲霄寧肯更於前朝旋多燕舞門館
別車騎美人芙蓉姿快意蘭解氣金醴傳歡談
笑正得意豈論草澤中有此枯楠士我慙縵濟策
久欲甘棄置君負縱橫才如何尚顧領長歌喻鬱
悵對酒不能醉窮達自有時夫子莫下淚

同羣公宿開善寺贈陳十六所居

駕居出人境避暑投僧家徘徊龍象側始見香林
花讀書不及經飲酒不勝茶知君悟此道所未披
蟻蛭談空忘外物持戒破諸邪則是無心地相看
唯月華

同觀陳十六史興碑

并序

楚人陳章甫繼毛詩而作史興碑遠自周末迨乎隋季善惡不隱蓋國風之流未藏名山刊在樂石僕美其事而賦是詩焉

荆衡氣偏秀江漢流不歇此地多精靈有時生才傑伊人今獨步逸思能間發永懷掩風騷千載常屹屹新碑亦崔巍佳句懸日月則是刊石經終然斷檮杌我來觀雅製慷慨變毛髮羣主盡荒淫前王徒貽厥東周旣削弱兩漢更淪淪西晉何披猖五胡相唐突作歌乃彰善比物仍惡訐感歎將謂誰對之空咄咄

薊門不遇王之渙郭密之因以畱贈

適遠登薊丘茲晨獨搔屑賢交不可見吾願終難
說迢遞千里遊羈離十年別才華仰清興功業嗟
芳節曠蕩阻雲海蕭條帶風雪逢時事多謬失路
心彌折行矣勿重陳懷君但愁絕

寄孟五少府

秋氣

一作風

落窳巷離憂兼暮蟬後時已如此高興

亦徒然知君念淹泊憶我屢周旋征路見來鴈歸

人悲遠天平生感

一作各

千里相望在貞堅

一作賢

苦雨寄房四昆季

獨坐見多雨况茲兼索居茫茫十月交窮陰千里
餘彌望無端倪北風擊林笳白日眇難覩黃雲爭
卷舒安得造化功曠然一掃除滴瀝簷宇愁寥寥
談笑疎泥塗擁城郭水潦盤丘墟惆悵憫田農徘徊
傷里閭曾是力井稅曷爲一作無斗儲萬事切

中懷十年思上書君門嗟緬邈身計念居諸沈吟

顧草茅鬱快任盈虛黃鵠不可羨鳴雞時起予故

人平臺側高館臨通衢兄弟方荀陳才華冠應徐

彈琴自多暇飲酒更

一作傷

何如知人想林宗直道

慙史魚攜手風流

一作流風

在開襟鄙吝秣寧能訪窮

巷相與對園

一作嘉蔬

宋中遇陳二

常忝鮑叔義所期

一作寄

王佐才如何守苦節獨此

一作自

無良媒離別十年外飄飄千里安知罷官

後惟見柴門開窮巷隱東郭高堂詠南陔籬根長

花草井上生

一作垂

莓苔伊昔

一作寧敢

望霄漢今倦

蒿萊

一作終然

男兒命未達

一作男兒命達又作人生各有命

且

進手中杯

遇冲和先生

冲和生何代或謂遊東溟三命謁金殿一言拜銀

百金

贈別王十七管記

故交吾未測薄宦空年歲晚節蹤曩賢雄詞冠當
世堂中皆食客門外多酒債產業曾未言衣裘與
人敝飄飄戎幕下出入關山際轉戰輕壯心立談
有邊計雲沙自迴合天海空迢遞星高漢將驕月
盛胡兵銳沙深冷陁斷雪暗遼陽閉亦謂擬機槍
旋驚陷蜂蠆歸旌告東捷鬪騎傳西敗通飛絕凍
書已築長安第畫龍俱在薤籠鵠先居衛勿辭部
曲勳不藉將軍勢相逢華冬月悵望窮海裔折劒

苗賄人嚴裝遂云邁我行將悠緲及此還羈滯曾
非濟代謀且有臨深誠隨波混清濁與物同醜麗
眇憶青巖棲寧忘褐衣拜自言愛一作水石本欲
親蘭蕙何意薄松筠翻然重管蒯恆深取與分孰
慢平生契款曲雞黍期酸辛別離袂逢時愧名節
遇坎悲渝替適趙非解紛遊燕獨一作無說浩歌
方振蕩逸翮思凌厲倏若異鵬搏吾當學蟬蛻

淇上別劉少府子英

近來住淇上蕭條惟空林又非耕種時閒散多自
任伊君獨知我驅馬欲招尋千里忽攜手十年同

苦心求仁見交態於道喜甘臨逸思乃天縱微才
應陸沈飄然歸故鄉不復問離襟南登黎陽渡莽
蒼寒雲陰桑葉原上起河凌山下深途窮更遠別
相對益一作悲吟

別張少府

歸客畱不住朝雲縱復橫馬頭向春草斗柄臨高
城嗟我久離別羨君看弟兄歸心更難違回首一
傷情

酬別薛三蔡大留簡韓十四主簿

還憶辭京華辛勤異鄉客
商海回首淚如

轍同人久離別失路還朝見韓侯懷直道德業應
時選蔡子負清才當年擢賓薦韓公有奇節詞賦
凌羣彦讀書萬本間作吏滄海旬伊余家樓託感
激多愠見離誕非爾情漂淪任疵賤忽枉瓊瑤作
乃深平生眷始謂吾道存終嗟客遊倦歸心無晝
夜別事除言宴復值涼風時蒼茫夏雲變

睢陽酬別暢大判官

吾友遇知己策名逢聖朝高才擅白雪逸翰懷青
霄承詔選佳兵慨然即馳輶清晝下公館尺書忽
相邀畱歡惜別離畢曷駐行鑣言及沙漠事益令

胡馬驕丈夫拔東蕃聲冠霍嫖姚
毳毼衝矢石鐵甲生風颭諸將
出冷井一作陁連管濟石橋曾豪盡
俘馘子弟輸征徭邊庭絕刁斗戰地成漁樵
榆關夜不扃塞口長蕭蕭降胡滿薊門
一一能射鶚軍中多宴樂馬上何輕趲
戎狄本無厭羈縻非一朝饑附誠足用
飽飛安可招李牧制僭藍遺風豈寂寥
君還謝幕府慎勿輕勸蹇

途中酬李少府贈別之作

西上逢節換東征私自憐故人今臥疾
欲別還留連舉杯臨南軒夕陽滿中筵
寧知江上興乃在河

梁偏行李多光輝札翰忽相鮮誰謂歲月晚交情
尚貞堅終嗟州縣勞官譴復迭遄雖負忠信美其
如方寸懸連帥扇清風千里猶眼前曾是趨藻鏡
不應翻棄捐日來知自強風氣殊未痊可以加藥
物胡爲輒憂煎驅馬出大梁原野一悠然柳色感
行客雲陰愁遠天皇明燭幽遐德澤普昭宣鵷鴻
列霄漢燕雀何翩翩余亦愜所從漁樵十二年種
瓜漆園裏鑿井盧門邊去去勿重陳生涯難勉旃
或期遇春事與爾復周旋投報空回首狂歌謝比
肩

漣上別王秀才

飄飄經遠道客思滿窮秋
浩蕩對長漣君行殊未
休崎嶇山海側想像無前儔
何意一作照乘珠忽
然欲暗投東路方蕭條楚歌復悲秋
暮帆使人感去鳥兼離憂
行矣當自愛壯年莫悠悠
余亦從此辭異鄉難久留
贈言豈終極慎勿滯滄洲

贈別沈四逸人

沈侯未可測其况信浮沈
十載常獨坐幾人知此
心乘舟蹈滄海買劍投黃金
世務不足煩有田四
山岑我來遇知己遂得開清襟
何意閩閩間沛然

江海深疾風掃秋樹澗上多鳴砧耿耿尊酒前聯

鴈飛愁音

一作陰

平生重離別感激對孤琴

吟

一作

宋中別周梁李三子

曾是不得意適來兼別離如何一樽酒翻作滿堂
悲周子負高價梁生多逸詞周旋梁宋間感激建
安時白雪正如此青雲無自疑李侯懷英雄骭髀
乃天資方寸且無間衣冠當在斯俱爲千里遊忽
念兩鄉辭且見壯心在莫嗟攜手遲涼風吹北原
落日滿西陂露下草初白天長雲屢滋我心不可
問

一作得

一作君去

一作

一作

定何之京洛多知己誰能憶左

思

宋中別李八

歲晏誰不歸君歸意可說將趨倚門望還念同人
別駐馬臨長亭飄然事明發蒼茫眺千里正值苦
寒節舊國多轉蓬平臺下明月世情薄疵賤夫子
懷賢哲行矣各勉旃吾當挹餘烈

別王徹

歸客自南楚悵然思北林

一作臨

蕭條秋風暮迴首

江淮深留君終日歡

一作留連
愁作歡

或爲梁甫吟時輩

想鵬舉他人嗟陸沈載酒登平臺贈君千里心浮

雲暗長路落日有歸禽離別未足悲辛勤當自任

吾知十年後季子多黃金

嚴滄浪云古人贈送多相勉之辭如努力崇明德勉哉修令德往往是此意金多何足道又

甚於以名位期人者北達夫偶然漏逗處也

宋中遇林慮楊十七山人因而有別

昔余涉漳水驅車行鄴西遙見林慮山蒼蒼戛天

倪邂逅逢爾曹說君彼巖棲蘿徑垂野蔓石房倚

雲梯秋韭何青青藥苗數百畦栗林隘谷口枯樹

森迴谿耕耘有山田紡績有山妻人生苟

一作如

此何必組與珪誰謂遠相訪曩情殊不迷簷前舉

醇醪竈下烹雉雞朔風忽振蕩昨夜寒蟬啼遊子

益思歸罷琴傷解攜出門盡原野白日黯已低始
驚道路難終念言笑勝因聲謝岑壑歲暮一攀躋
送崔錄事赴宣城

大國非不理小官皆用才欲行宣城印住飲洛陽
杯晚景爲人別長天無鳥迴舉帆風波渺倚棹江
山來美爾兼乘興無湖千里開

送虞城劉明府謁魏郡苗太守

天官蒼生望出入承明廬蕭蕭領舊藩皇皇降璽
書茂宰多感激良將復吹噓永懷一言合誰謂千
里疎對酒忽命駕茲情何起予炎天晝如火極目

無行車長路出雷澤浮雲歸孟諸魏郡十萬家歌
鐘喧里間傳道賢君至閉關常晏如君將挹高論
定是問樵漁今日逢明聖吾爲陶隱居

送蕭十八與房侍御廻還

常苦

一作悲

古人遠今見斯人古澹泊遺聲華周旋

必鄒魯故交在梁宋遊方出庭戶匹馬鳴朔風一
身濟河滸辛勤采蘭詠款曲翰林主歲月催別離
庭闈遠風土寥寥寒煙靜莽莽夕陰吐明發不在
茲青天渺難覩

送韓九

惆悵別離日徘徊岐路前歸人望獨樹匹馬隨秋
蟬常與天下士許君兄弟賢良時正可用行矣莫
徒然

宋中送族姪式顏

時張大夫貶括州使人召式顏遂有此作

大夫擊東胡胡塵不敢起胡人山下哭胡馬海邊
死部曲盡公侯輿臺亦朱紫當時有勲業末路遭
讒毀轉旆燕趙間剖符括蒼裏弟兄莫見親族
遠粉粹不改青雲心仍招布衣士平生懷感激本
欲候知己去矣難重陳飄然自茲始遊梁且未遇
適越今何以鄉山西北愁竹箭東南美崢嶸縉雲

外蒼莽幾千里旅鴈悲啾啾朝昏孰云已登臨多
瘴癘動息在風水雖有賢主人終爲客行子我攜
一尊酒滿酌聊勸爾勸爾唯一言家聲勿淪滓

又送族姪式顏

惜君才未遇愛君才若此世上五百年吾家一千
里俱遊帝城下忽在梁園裏我今行山東離憂不
能已

哭單父梁九

一作少府

開篋淚霑臆見君前日書夜臺今

一作寂寞猶是

子雲居疇昔貪採

一作

靈奇登臨賦山水同舟南浦

下一作夜望月西江裏契闊多別離綢繆到生死九

原卽何處萬事皆如此晉山徒嗟峨一作斯人已

冥冥常時祿且薄歿後家復貧妻子在遠道弟兄

無一人十上多苦辛一官常自哂青雲將可致白

日忽先一作西盡唯有身後名空畱無遠近

哭裴少府

世人誰不死嗟君非生慮扶病適到官田園在何處
公才羣吏感葬事他人助余亦未識君深悲哭君去

銅雀妓

二詩見文苑英華考常集無此疑誤姑附於末

月華新金影
日暮銅雀迴秋深玉座清蕭森松栢望委鬱綺羅
情君恩不再得妾舞爲誰輕

塞下曲

結束浮雲駿翩翩出從戎且憑天子怒復倚將軍
雄萬鼓雷殷地千旗火生風日輪駐霜戈月魄懸
琯弓青海陣雲匝黑山兵氣衝戰酣太白高戰罷
旄頭空萬里不惜死一朝得成功畫圖麒麟閣入
朝明光宮大笑向文士一經何足窮古人昧此道
往往成老翁

丙籤二十四高適之四

唐音統籤卷八一百十八

七言古詩

行路難二首

長安少年不少錢能騎駿馬鳴金鞭五侯相逢大道邊美人絃管爭留連黃金如斗不敢惜片言如山莫棄捐安知顛顚讀書者暮宿靈臺私自憐

君不見見富家翁舊時貧賤誰比數一朝金多結豪

貴百事勝人健如虎子孫成行一作生長滿眼前妻能

管絃妾歌一作能舞自矜一身忽如此却笑傷人獨

愁苦東鄰少年安所如筋門窮巷出無車有才不

肯學干謁何用年年空讀書

秋胡行

妾本邯鄲未嫁時容華倚翠人未知一朝結髮從
君子將妾迢迢東魯陞時逢大道無艱阻君方遊
宦從陳汝蕙樓獨卧頻度春彩閣辭君幾徂暑三
月垂楊蠶未眠攜籠結侶南陌邊道逢行子不相
識贈妾黃金買少年妾家夫婿經離久寸心誓與
長相守願言行路莫多情道妾貞心在人口日暮
蠶饑相命歸攜籠端節來庭闈勞心苦力終無恨
所冀一作貴君恩一作那即一作可依聞說行人已歸止乃

是向來贈金子相看顏色不復言相顧懷慚有何
已從來自隱無疑背直爲君情也相會如何咫尺
仍有情況復迢迢千里外誓將一作此時顧恩不顧身
念君此日赴河津莫道向來不得意故欲留規誡
後人

燕歌行 并序

開元二十六年客有從御史大夫張公出塞而還者作燕歌行以示適感征戍之事因而和焉

漢家煙塵在東北漢將辭家破殘賊男兒本自重
橫行天子非常賜顏色縱金伐鼓下榆關旌旆逶
迤碣石間校尉羽書飛瀚海單于獵火照狼山山

川蕭條極邊土胡騎憑陵雜風雨戰士軍前半死
生美人帳下猶歌舞大漠窮秋塞草腓孤城落日
鬬兵稀身當恩遇常輕敵力盡關山未解圍鐵衣
遠戍辛勤久玉筯應啼別離後少婦城南欲斷腸
征人薊北空回首邊庭飄飄那可度絕域蒼茫無
所有殺氣三時作陣雲寒聲一夜傳刁斗相看白
刃雪紛紛死節從來豈顧勳君不見沙場征戰苦
至今猶憶李將軍

古大梁行

占城莽蒼饒荆榛驅馬荒城愁殺人魏王宮殿盡

不黍信陵賓客隨灰塵憶昨雄都舊朝市軒車照
耀歌鐘起軍容帶甲三十萬國步連管五千里全
盛須臾邯鄲可論高臺曲池無復存遺墟但見狐狸
迹古地空餘草木根暮天搖落傷懷抱撫劍悲歌
對秋草俠客猶傳朱亥名行人尚識夷門道白壁
黃金萬戶侯寶刀駿馬填山丘年代淒涼不可問
往來唯見水東流

邯鄲少年行

邯鄲城南游俠子自矜生長邯鄲裏千場縱博家
仍富幾處報讎身不死宅中歌笑日紛紛門外車

馬如雲屯未知肝膽向誰是令人却憶平原君君
不見今人交態薄黃金用盡還疎索以茲感歎辭
舊遊更於時事無所求且與少年飲美酒往來射
獵西山頭

殷璠云適歌行甚多佳句如未知肝膽
向誰是令人却憶平原君吟諷不厭

古歌行

君不見漢家三葉從代至高皇舊臣多富貴天子
垂衣方晏如廟堂拱手無餘議蒼生偃卧休征戰
露臺百金以爲費田舍老翁不出門洛陽少年莫
論事

漁父歌

集無載品
彙補人

曲岸深潭一山叟駐眼看釣不移
幸世人欲得知姓名良久問他不
開口箠皮笠子荷葉衣心無所
管守釣磯料得孤舟無定止
日暮持竿何處歸

封丘作

我本漁樵孟諸野一生自是悠悠者
乍可狂歌草澤中寧堪作吏風塵下
祗言小邑無所爲公門百事皆有期
拜迎官長心欲碎鞭撻黎庶令人悲
歸

一作悲

來向家問妻子舉家盡笑今如此
生事應須

南畝田世情付與東流水夢想舊山安在哉
爲銜

君命日

一作且

遲迴乃知梅福徒爲爾轉憶陶潛歸

去來

寄宿田家

田家老翁住東陂說道平生隱在茲鬢白未曾記
日月山青每到識春時門前種柳深成巷野谷流
泉添入池牛壯日耕十畝地人閑常掃一茅茨客
來滿酌清樽酒感興平吟才子詩巖際窟中藏麝
氣潭邊竹裏隱鷓鴣村墟日落行人少醉後無心
怯路岐今夜只應還寄宿明朝拂曙與君辭

題李別駕壁

去鄉不遠逢知己握手相歡得如此禮樂遙傳魯

伯禽賓客爭過魏公子酒筵暮散明月上櫪馬長
鳴春風起一生稱意能幾人今日從君問終始

同河南李少尹畢員外宅夜飲時洛陽告捷
遂作春酒歌

故人美酒勝濁醪故人清詞合風騷長歌滿酌惟
吾曹高談正可揮塵尾半醉忽然持蟹螯洛陽告
捷傾前後武侯腰間印如斗郎官無事時飲酒杯
中綠蟻吹轉來甕上飛花拂還有前年持節將楚
兵去年留司在東京今年復拜二千石盛夏五月
西南行彭門劔門蜀山裏昨逢軍人劫奪我到家

但見妻與子賴得飲君春酒數十杯不然令我愁
欲死

九日酬顏少府

簷前白日應可惜籬下黃花爲誰有行子迎霜未
授衣主人得錢始沽酒蘇秦顛顛人一作多厭蔡

澤樓遲

一作
栖遲

世看醜縱使登高只斷腸不如獨坐

空搔首

人日寄杜二拾遺

人日題詩寄草堂遙憐故人思故鄉柳一作弄色不
忍見梅花滿枝空斷腸身在遠藩無所預心懷百

憂復千慮今年人日空相憶明年人日知何處一
卧東山三十春豈知書劍老風塵龍鍾還忝二千
石愧爾東西南北人

送渾將軍出塞

將軍族貴兵且強漢家已是渾邪王子孫相承在
朝野至今部曲燕支下控弦盡用陰山兒登陣常
騎大宛馬銀鈔玉勒繡螭弧每逐嫖姚破骨都李
廣從來先將士衛青未肯學孫吳傳有沙場千萬
騎昨日邊庭羽書至城頭畫角三四聲匣裏寶刀
晝夜鳴意氣能甘萬里去辛勤動作一年行黃雲

白草無前後朝建旌旄夕刁斗塞下應多俠少年
關西不見春楊柳從軍借問所從誰擊劍酣歌當
此時遠別無輕繞朝策平戎早寄仲宣詩

送楊山人歸嵩陽

不到嵩陽動十年舊時心事已徒然一二故人不
復見三十六峯猶眼前夷門二月柳條色流鶯數
聲淚霑臆鑿井耕田不我招知君以此忘帝力山
人好去嵩陽路惟余眷眷長相憶

送蔡山人

東山布衣明古今自言獨未逢知音識者闕見一

生事到處豁然千里心看書學劍長辛苦近日方
思謁明主斗酒相留醉復醒悲歌數年淚如雨丈
夫遭遇不可知賢臣主父皆如斯我今蹭蹬無所
似看爾崩騰何若爲

送別

昨夜離心正鬱陶三更白露西風高螢飛木落何
漸瀝此時夢見西歸客曙鐘寥亮三四聲東鄰嘶
馬使人驚攬衣出戶一相送唯見歸雲縱復橫

留別鄭三韋九兼洛下諸公

憶昨相逢論久要顧君哂我輕常調羈旅雖同白

社遊詩書已作青雲料
蹉跎竟不成年過四十
尚躬耕長歌達者杯中物
一作笑前人身後
名幸逢明盛多招隱
高山大澤徵求盡此時亦作
一作得辭漁樵青袍裹身荷聖朝
犁牛釣竿不復見
縣人邑吏來相邀
遠路鳴蟬秋興發
華堂美酒離憂銷
不知何日更攜手
應念茲晨去折腰

贈別晉三處士

有人家住清河源
渡河問我遊梁園
手持道經注已畢
心知內篇口不言
廬門十年見秋草
此心惆悵誰能道
知已從來不易知
慕君爲人與君好
別

時九月桑葉疎出門千里無行車愛君且欲君先
達今上求賢早上書

長短句

崔司錄宅燕大理李卿

多雨殊未已秋雲更沈沈洛陽故人初解印山東
小吏來相尋上卿才大名不朽早朝至尊暮求友
豁達常推海內賢殷勤但酌樽中酒飲醉欲言歸
剡谿門前馴馬光照衣路傍觀者徒唧唧我公不
以爲是非

送田少府貶蒼梧

沈吟對遷客惆悵西南天昔爲一官未得意今向
萬里令人憐念茲斗酒成睽間停舟歎君日將晏
遠樹應憐北地春行人却羨南歸鴈丈夫窮達未
可知看君不合長數奇江山到處堪乘興楊柳青
青那足悲

送郭處士往萊蕪兼寄荀山人

君爲東蒙客往來東蒙畔雲臥臨嶧陽山行窮日
觀少年詞賦皆可聽秀眉白面風清冷身上未曾
染名利口中猶未知臙腥今日還自意無極豈辭
世路多相識歸見萊蕪九十翁爲論別後長相憶

賦得還山吟送沈四山人

還山吟天高日暮寒山深送君還山識君心人生
老大須恣意看君解作一生事山間偃仰無不至
石泉淙淙若風雨桂花松子常滿地賣藥囊中應
有錢還山服藥又長年白雲勸盡杯中物明月相
隨何處眠眠時憶問醒時事夢魂可以相周旋

平臺夜遇李景參有別

離心忽悵然策馬對秋天孟諸薄暮涼風起歸客
相逢渡淮水昨時攜手已十年今日分途各千里
歲物蕭條滿路岐此行浩蕩令人悲家貧羨爾有

微祿欲往從之何所之

別韋叅軍

二十解書劍西遊長安城舉頭望君門屈指取公卿
國風冲融邁三五朝庭禮樂彌寰宇白璧皆言賜
近臣布衣不得干明主歸來洛陽無負郭東過梁
宋非吾土兔苑爲農歲不登鴈池垂釣心長苦
世人遇我同衆人唯君於我情相親且喜百年見
交態未嘗一日辭家貧彈碁擊筑白日晚縱酒高
歌楊柳春歡娛未盡分散去使我惆悵驚心神丈
夫不作兒女別臨岐涕淚漣一作霑衣巾

見薛大臂鷹作

寒楚十二月蒼鷹八九毛寄言燕雀莫相啁一作思
自有雲霄萬里高

同李九士曹觀壁畫雲作

始知帝鄉客能畫蒼梧雲秋天萬里一片色只疑
飛盡猶氛氲

同鮮于洛陽於畢員外宅觀畫馬歌

知君愛鳴琴仍好千里馬永日恒思單父中有時
心到宛城下遇客丹青天下才白生胡雛控龍媒
主人娛賓畫障開只言騏驎西極來半壁趨趨勢

不住滿堂風飄颻然度家僮愕視欲先鞭櫪馬驚嘶還屢顧始知物妙皆可憐燕昭市駿豈徒然縱令剪拂無所用猶勝駑駘在眼前

畫馬篇

同諸公宴睢陽李太守水賦一物

君侯櫪上驄貌在丹青中馬毛連錢蹄鐵色圖畫光輝驕玉勒馬行不動勢若來權奇蹴踏無塵埃感茲絕代稱妙手遂令談者不容口麒麟獨步自可珍駑駘萬匹知何有終未如他櫪上驄載華轂騁飛鴻荷君剪拂與君用一日千里如旋風

詠馬鞭

龍竹養根凡幾年工人截之爲長鞭一節一日皆
天然珠重重星連連繞指柔純金堅繩不直規不
圓把向空中捎一聲良馬有心日馳千

丙籤二十四高適之五

唐音統籤卷

九一百十

五言律詩

部落曲

蕃軍傷塞遊代馬噴風秋老將垂金甲
闕支著錦裘凋戈蒙豹尾紅旆插狼頭
日暮天山下鳴笳漢使愁

淇上別業

依依西山下別業桑林邊庭鳴喜多雨
鄰雞知暮天野人種秋菜古老開原田
且向世情遠吾今聊自然

入昌松東界山行

鳥道幾登頓馬蹄無暫

一作復

閑崎嶇出長坂合脊

猶前山石激水流處天寒松色間王程應未盡且
莫顧刀環

使青夷軍入居庸三首

匹馬行將久征途去轉難不知邊地別祗訝客衣
單谿冷泉聲苦山空木葉乾莫言關塞極雲雪尚
漫漫

古鎮青山口寒風落日時巖巒鳥不過冰雪馬堪
遲出塞應無策還家賴有期東山足松桂歸去結

茅茨

登頓驅征騎棲遲愧寶刀遠行今若此微祿果徒勞絕坂水連下羣峯雲共高自堪成白首何事一青袍

自薊北歸

驅馬薊門北北風邊馬哀蒼茫遠山口豁達胡天開五將已深入前軍止半迴誰憐不得意長劒獨歸來

同崔員外綦母拾遺九日宴京兆府李士曹今日好相見羣賢仍廢曹晚晴催翰墨秋興引風

騷絳葉擁虛砌黃花隨濁醪閉門無不可何事更登高

同李太守北池泛舟宴高平鄭太守

每揖

龍黃事還陪李郭舟雲從四岳起

一作去

水向

百城流幽意隨登陟嘉言卽獻酬乃知縫掖貴今日對諸侯

同羣公十月朝宴李太守宅

良牧徵高賞褰帷問考槃歲時當正月甲子入初寒已聽甘棠頌欣陪旨酒歡仍憐門下客不作布衣看

同衛八題陸少府書齋

知君薄州縣好靜無冬春散帙至棲鳥明燈留故人
深房臘酒熟高院梅花新若是周旋地當令風義親

武威同諸公過楊七山人

得藤字

幕府日多暇田家歲復登相知恨不早乘興乃無
恒窮巷在喬木深齋垂古藤邊城唯有醉此外更
何能

同羣公登濮陽聖佛寺閣

落日登臨處悠然意不窮佛因初地識人覺四天

空來鴈清霜後孤帆遠樹中徘徊傷寓目蕭索對
寒風

酬衛八雪中見寄

季冬憶淇上落日歸日樊舊宅帶流水平田臨古
村雪中望來信醉裏開衡門果得希代寶緘之那
可論

贈杜二拾遺

傳道招提客詩書自討論佛香時入院僧飯屢過
門聽法還應難尋經剩欲翻草玄今已畢此外復
一作何言
後更

醉後贈張九旭

世上謾相識此翁殊不然興來書自聖醉後語尤
顛白髮老閑事青雲在目前牀頭一壺酒能更幾
回眠

途中寄徐錄事

比以王書見贈

落日風雨至秋天鴻鴈初離憂不堪比旅館復何
如君又幾時去我知音疎空多篋中贈長見右
軍書

送李侍御赴安西

符子對飛蓬金鞭指鐵驄功名萬里外心事一杯

中虜障燕支北
秦城太白東
離魂莫惆悵
看取寶刀雄

獨孤判官部送兵

餞君嗟遠別
爲客念周旋
征路今如此
前軍獨眇然
出關逢漢壁
登隴望胡天
亦是封侯地
期君早着鞭

送白少府送兵之隴右

殘更登隴首
遠別指臨洮
爲問關山近本事
何如作中
州縣勞軍容
隨赤羽
樹色引青袍
誰斷單于臂
今年太白高

送裴別將之安西

絕域眇難躋悠然信馬蹄風塵經跋涉搖落怨睽
攜地出流沙外天長甲子西少年無不可行矣莫
悽悽

送董判官

逢君說行邁倚劒別交親幕府爲才子將軍作主
人近關多雨雪出塞有風塵長策須當用男兒莫
顧身

送崔功曹赴越

傳有東南別題詩報客居江山知不厭州縣復何

如莫恨吳歛曲嘗看越絕書今朝欲乘興隨爾食
鱸魚

淇上送韋司倉往滑臺

飲酒莫辭醉醉多適不愁熟知非遠別終念對窮
秋滑臺門外見淇水眼前流君去應回首風波滿
渡頭

河西送李十七

邊城多遠別此去莫徒然問禮知才子登科及少
年出門看落日驅馬向秋天高價人爭重行當早
着鞭

送寒秀才赴臨洮

悵望日千里如何今二毛
猶思陽谷去莫厭隴山高
倚馬見雄筆隨身唯寶刀
料君終自致勲業在臨洮

送蔡十二之海上

時在衛中

黯然何所爲相對但悲酸
季弟念離別賢兄救急難
河流冰處盡海路雪中寒
尚有南飛鴈知君不忍看

送魏八

更沽淇上酒還泛驛前舟
爲惜故人去復憐嘶馬

唐音統鑑

卷一

七

七

七

七

七

七

七

七

七

愁雲山行處合風雨興中秋此路無知己明珠莫
暗投

送鄭侍御謫閩中

謫去君無恨閩中我舊過大都秋鴈少只是夜猿
多東歸塞山合南天瘴癘和自當逢雨露行矣慎
風波

送張璠貶五谿尉

他日難積幹明時懸鑲鄒江山遙去國妻子獨還
家離別無嫌遠沈浮勿強嗟南登有詞賦知爾吊
長沙

別

一作送

馮判官

碣石遼西地漁陽薊北天關山唯一道雨雪盡三

邊才子方爲客將軍正渴

一作慕

賢遙知幕府下書

記日翩翩

別韋兵曹

離別長千里相逢數十年此心應不變他事已徒
然惆悵春光裏蹉跎柳色前逢時當自取看爾欲
先鞭

別劉大校書

昔日京華去知君才望新應猶作賦好莫歎在官

貧且復傷遠別不然愁此身清風一作青楓幾萬里江

上一歸人

宴郭校書因之有別

綵服趨庭訓分交載酒過芸香名早著蓬轉事仍
多苦戰知作苦知機息窮愁奈別何雲霄莫相待年
鬢已蹉跎

別崔少府

知君少得意汶上掩柴扉寒食仍留火春風未授
衣皆言黃綬屈早向青雲飛借問他鄉事今年歸
不歸

廣陵別鄭處士

落日知分手春風莫斷腸
興來無不愜才在亦何傷
谿水堪垂釣江田耐插秧
人生只爲此亦足傲羲皇

贈別褚山人

摧手贈將行山人道姓名
光陰蘄子訓才術褚先生
牆上梨花白樽中桂酒清
洛陽無二價猶是慕風聲

別孫訢

離人去復留白馬黑貂裘
屈指論前事停鞭惜舊

遊帝鄉那可忘旅館日堪愁誰念無知己年年睢
水流

別王八

征馬嘶長路離人挹佩刀客來東道遠歸去北風
高時候何蕭索鄉心正一作更鬱陶傳君遇知己行
日有綈袍

別韋五

徙然酌杯酒不覺散人愁相識仍遠別欲歸翻旅
遊夏雲滿郊甸明月照河洲莫恨征途遠東看漳
水流

別從甥萬盈

諸生曰萬盈四十乃知名宅相予偏重家丘人莫
輕美才應自料苦節豈無成莫以山田薄今春又
不耕

宋中別司功叔各賦一物得商丘

商丘試一望隱隱帶秋天地與星辰在城將大路
遷干戈悲昔事墟落對窮年卽此傷離緒悽悽賦
酒筵

送劉評事充朔方判官賦得征馬嘶

征馬向邊州蕭蕭嘶不一作未休思深應帶別聲嘶

爲兼秋岐路風將遠關山月共愁贈君從此去何
日大刀頭

丙籤二十四高適之六

唐音統籤卷十一

一百一

五言排律

秋日作

端居值秋節此日更愁辛寂寞無一事蒿萊遍四
鄰閉門生白髮回首憶青春歲月不相待交遊隨
衆人雲霄何處託愚直有誰親舉酒聊自勸窮通
信爾身

赴彭州山行之作

山行連曉路
馬林色可忘
機怪石時侵徑輕蘿乍拂衣路長愁作客年老更

思歸且悅巖巒下寧嗟意緒違山行應未盡誰與
玩芳菲

辟陽城

荒城在高岸凌眺俯清淇傳道漢天子而封審食
其奸淫且不戮茅土孰云空何得英雄主返令兒
女欺母儀良已失臣節豈如斯太息一朝事乃令
人所嗤

陪竇侍御靈雲南亭宴詩

得雷字并序

涼州近胡高下其池亭蓋以耀蕃落也幕府董
帥雄勇徑踐戎庭自陽關而西猶枕席矣軍中
無事君子飲食宴樂安哉白簡在邊清秋多興
况水具舟機山兼亭臺始臨泛而寫煩俄登陟

以寄傲絲桐徐秦林木更爽鵲蒲萄以遞歡
蘭蓀而可掇胡天一望雲物蒼然雨蕭蕭而
馬聲斷風嫋嫋而邊獸幾虞又足悲矣員外李
公曰七日者何牛女之夕圖夫賢者何得謹其
時請賦南亭
詩列之於後

人幽空眺聽目極喜亭臺風景知愁在關山憶夢

迴紙音殊語默何意忝遊陪連唱波瀾動冥搜物

象開新秋歸遠樹殘雨擁

一作應

輕雷簷外長天盡

樽前獨鳥來常吟塞下曲多謝幕中才河漢徒相
望嘉期安在哉

陪寶侍御泛靈雲池

白露時先降清川思不窮江湖仍塞上舟楫在軍

中舞換臨津樹歌饒向晚

一作過

風夕陽連積水邊

色滿秋空乘興空投轄邀歡莫避驄誰憐持弱羽
猶欲伴鵷鴻

同郭十題楊主簿新廳

華館曙沈沈惟良正在今用材兼柱石聞物象高
深更得芝蘭地兼管枳棘林向風扃戟戶當署近
棠陰勿改安卑節睎閑理劇心多君有知己一和
郢中吟

同熊少府題盧主簿茅齋

盧兼有人倫

虛院野情在茅齋秋興存孝廉趨下位才子出高

門乃繼幽人靜能令學者尊江山歸謝客神鬼下
劉根階樹時攀折牕書任討論自堪成獨往何必
武陵源

同朱五題盧使君義井

高義唯良牧深仁自下車寧知鑿井處還是飲冰
餘地卽泉源人人當汲引初體清能鑒物色洞一作
淡每含虛上善滋來往中和泱里閭濟時應未竭
懷惠復何如

和寶侍御登涼州七級浮圖之作

化塔屹中起孤高空上躋鐵冠雄賞眺金界寵招

攜空色在軒戶邊聲連鼓鼙天寒萬里北地豁九州西清興揖才彥峻風和端倪始知陽春後具物皆筌蹄

古樂府飛龍曲留上陳相

德以精靈降時膺夢寐求蒼生謝安石天子富平

一作天

侯樽俎資高論巖廊挹大猷相門連戶牖卿

族嗣弓裘豁達雲開霽

一作景

清明月映秋能爲吉

甫頌善用子房籌階砌思攀陟門闌尚阻修高山不易仰大匠本難投跡與松喬合心緣啓沃留公才山吏部書癖杜荊州幸沐千年聖何辭一尉休

折腰知寵辱回首見沈浮天地莊生鷁江湖范蠡
舟逍遙堪自樂浩蕩信無憂去此從黃綬歸歟任
白頭風塵與霄漢瞻望日悠悠

留上李右相

風俗登淳古君臣挹大庭深沉謀九德密勿契千
齡獨立調元氣清心豁官冥本枝連帝系長策冠
生靈傳說明殷道蕭何律漢刑鈞衡持國柄柱石
總朝賢一作經隱軫江山澡氛氲鼎彝銘興中皆白

雪身外卽丹青江海呼窮鳥詩書問聚螢吹噓成
羽翼提握動芳馨倚伏悲還笑棲遲一作醉復醒

恩榮初就列舍育忝宵形有竊丘山惠無時枕席

寧壯心瞻落景生事感浮一作萍莫以才難用終

期善易聽未爲門下客徒謝少微星

信安王幕府詩

并序

開元二十年國家有事林胡部禮部尚書信安王總戎大舉時考功郎中王公同勳郎中劉公主客郎中魏公侍御史李公監察御史崔公咸在幕府詩以頌美數公見於詞凡三十韻

雲紀軒皇代星高太白年廟堂容上策幕府制中
權盤石藩維固昇壇禮樂先國章榮印綬公服貴
貂蟬樂善旌深德輸忠格上玄剪桐光寵錫題劍
美貞堅聖祚雄圖廣師貞武德虔雷霆七校發旌

第五營建華省徵羣又霜臺舉公望遠

第六營建華省徵羣又霜臺舉公望遠

第七營建華省徵羣又霜臺舉公望遠

第八營建華省徵羣又霜臺舉公望遠

第九營建華省徵羣又霜臺舉公望遠

第十營建華省徵羣又霜臺舉公望遠

雲端臨碣石波隱朝朝鮮夜壁衝高斗寒空駐綵

旃倚弓玄菟月飲馬白狼川庶物隨交泰蒼生解

倒懸四郊增氣象萬里絕風煙關塞鴻勳著京華

甲第全落梅橫吹後春色凱歌前直道常兼濟微

才獨棄捐曳裾誠已矣投筆尚悽然作賦同元叔
能詩匪仲宣雲霄不可望空欲仰神僊

同李員外賀哥舒大夫破九曲之作

遙傳副丞相昨日破西蕃作氣羣山動揚軍大旆
翻奇兵邀轉戰連弩絕歸奔泉噴諸戎血風驅死
虜寇頭飛攢萬戟面縛聚轅門鬼哭黃埃暮天愁
白日昏石城與巖險鐵騎皆一作若雲屯長策一言
決高蹤百代存威稜懾沙漠忠義感乾坤老將黯
無色儒生安敢論解圍憑廟算止殺報君恩唯有
關河渺蒼茫空樹墩

眞定卽事奉贈韋使君二十八韻

漂泊懷書客，遲迴此路隅。
問津驚棄置，投刺忽踟蹰。
方伯思彌重，蒼生詠已蘇。
郡稱廉叔度，朝議管夷吾。
乃繼三台側，仍將四岳俱。
江山澄氣象，崖谷倚冰壺。
詔寵金門策，官榮葉縣鳧。
擢才登粉署，飛步躡雲衢。
起草徵調墨，焚香卽宴娛。
光華揚盛矣，霄漢在茲乎。
隱軫推公望，逶迤協帝俞。
軒車辭魏闕，旌節副幽都。
始佩僊郎印，俄兼太守符。
尤多蜀郡理，更得潁川謨。
城邑推雄鎮，山川列簡圖。
舊燕當絕漠，全趙對平蕪。
曠野何瀰漫，長亭復鬱紆。
始

泉遺俗近活水戰場無月換思鄉陌星迴記斗樞
歲容歸萬象和氣發鴻鑪淪落而誰遇栖遑有是
夫不才羞擁腫干祿謝侏儒契闊慚行邁羈離憶
友于田園同季子儲蓄異陶朱方欲呈高義吹噓
揖大巫永懷吐肝膽猶憚阻榮枯解楊情何限忘
言道未殊從來貴縫掖應是念窮途

東平旅遊奉贈薛太守二十四韻

頌美馳千古欽賢仰大猷晉公標逸氣汾水注長
流神與公忠節天生將相傳青雲本自負赤縣獨
推尤御史風逾勁郎官草屢修鵷鸞粉署起鷹隼

柏臺秋出入交三事飛鳴揖五侯軍書陳上策廷
議借前籌肅肅趨朝列雖雖引帝求一麾俄出守
千里再分憂不改任棠水仍傳晏子裘歌謠隨舉
扇旌旆逐鳴騶郡國長河遶川原大野幽地連堯
泰嶽山向禹青州汶上春帆渡秦亭晚日愁遺墟
當少昊懸象逼奎婁卽此逢清鑒終然喜暗投叨
承解榻禮更得問縑遊高興陪登陟嘉言忝獻酬
觀基知戰勝探象會冥搜眇聽情何限冲融惠勿
休祇應齊語默寧肯問沈浮然諾長懷季栖遑輒
累丘平生感知已方寸豈悠悠

酬河南節度使賀蘭大夫見贈之作

高閣憑欄檻中軍倚旆旌感時常激切於已卽忘
情河華屯妖氣伊瀍有戰聲媿無戡難策多謝出
師名秉鉞知恩重臨戎覺命輕股肱瞻列岳唇齒
賴長城隱隱摧鋒勢光光弄印榮魯連真義士陸
遜豈書生直道寧殊智先鞭忽抗行楚雲隨去馬
淮月尚連營撫劍堪投分悲歌益不平從來重然
諾况值欲橫行

奉酬睢陽路太守見贈

一作之作

盛才膺命代高價動良時帝簡登藩翰人和發詠

思神僊去華省鵷鷺憶丹墀清淨能無事優游卽
賦詩江山紛想像雲物共一作動萎蕤逸氣劉公幹
玄言向子期多慚汲引速翻愧激昂遲相馬知何
限登龍反自疑風塵吏道迫行邁旅心悲拙疾徒
爲爾窮愁欲問誰秋庭一片葉朝鏡數莖絲州縣
甘無取丘園悔莫追瓊瑤生篋笥光景借茅茨他
日青霄裏猶應訪所知

奉酬睢陽李太守

公族稱王佐朝經允帝求本枝彊我李盤石冠諸
劉禮樂光輝盛山河氣象幽系高周柱史名重晉

陽秋華省膺推擇青雲寵宴遊握蘭多具美前席
有嘉謀賦得黃金賜言皆白璧酬看鞭驅駟馬操
刃解全牛出鎮兼方伯承家復列侯朝瞻孔北海
時用杜荊州廣固纔登陟毘陵忽阻修三台冀入
夢四岳尚分憂郡邑連京口山川望石頭海門當
建節江路引鳴騶俗見中興理人逢至道休先移
白額橫更息赭衣偷梁國歌來晚徐方怨不留豈
伊齊政術將以變澆浮訟簡知能吏刑寬察要囚
坐堂風偃草行縣雨隨輶地是蒙莊宅城遺闕伯
丘孝王餘井徑徵子故田疇冬至招搖轉天寒蟬

蝮收猿巖飛雨雪
兔苑落梧楸
列戟霜侵戶
寒幃月在鈎
好賢常解榻
乘興每登樓
逸足橫千里
高談注九流
詩題青玉案
衣贈黑貂裘
窮巷軒車靜
閑齋耳目愁
未能方管樂
翻欲慕巢由
講德良難敵
觀風豈易儔
寸心仍有適
江海一扁舟

餞宋八充彭中丞判官之嶺外

覩君濟時畧
使我氣填膺
長策竟不用
高才徒見稱
一朝知己達
累日詔書徵
羽翮忽然就
風颺誰敢凌
舉鞭趨一作投嶺嶠一作嶂
屈指冒炎蒸
北鴈送

馳驛南人思
飲冰彼邦本
倔強習俗多
驕矜翠羽

千平法黃金撓直繩若將除害馬慎勿信蒼蠅魑
魅寧無患忠貞適有憑猿啼山不斷鳶跼路難登
海岸出交趾江城連始興繡衣當節制幕府盛威
稜勿憚九疑險須令百越澄立談多感激行李卽
嚴凝離別胡爲者雲霄遲爾昇

送柴司戶充劉卿判官之嶺外

嶺外資雄鎮朝端寵節旌月卿臨幕府星使出詞
曹海對羊城闊山連象郡高風霜驅瘴癘忠信涉
波濤別恨隨流水交情脫寶刀有才無不適行矣
莫徒勞

送蔡少府赴登州推事

膠東連卽墨萊水入滄瀛國小常多事人訛屢抵
刑公才徵郡邑詔使出郊坰標格誰當犯風謠信
可聽^必呼噪大峴石邈邈汶陽亭地迴雲偏白天秋
山更青祖筵方卜畫王事急侵星勸爾將爲德斯
言蓋有聽

秦中送李九赴越

攜手望千里于今將十年如何每離別心事復迤
邐邐越雖有以出關終耿然愁霖^{一作秋林}不可向長
路或難前吳會獨行客山陰秋夜船謝家徵故事

禹穴訪遺編鏡水君所憶
尊羹余舊便歸來莫忘
此兼示濟江篇

七言律詩

重陽

節物驚心兩鬢華東籬空繞未開花
百年將半仕三已五畝就荒天一涯
豈有白衣來剝啄一從烏帽自欹斜
真成獨坐空搔首門柳蕭蕭噪暮鴉

金城北樓

北樓西望滿晴空積水連山勝畫中
湍上急流聲若箭城頭殘月勢如弓
垂竿已謝磻谿老體道猶

思塞上翁爲問邊庭更何事至今羌笛怨無窮

同顏六少府旅宦秋中之作

傳君昨夜悵然悲獨坐新齋木落時逸氣舊來凌
燕雀高才何得混妍媸跡留一作勞黃綬人多歎心
在青雲世莫知不是鬼神無正直從來州縣有瑕
疵

同陳留崔司戶早春宴蓬池

同官載酒出郊圻晴日東馳鴈北飛隔岸春雲邀
翰墨傍簷垂柳報芳菲池邊轉覺虛無盡臺上偏
空酩酊歸州縣徒勞那可度後時連騎莫相違

東平別前衛縣李案少府

黃鳥翩翩楊柳垂春風送客使人悲
怨別自驚千里外論交却憶十年時
雲開汶水孤帆遠路繞梁山匹馬遲
此地從來可乘興留君不住益淒其

夜別韋司士

得城字

高館張燈酒復清夜鐘殘月鴈歸聲
只言啼鳥堪求侶無那春風欲送行
黃河曲裏沙爲岸白馬津邊柳向城
莫怨他鄉暫離別知君到處有逢迎

送李少府貶峽中王少府貶長沙

嗟君此別意何如駐馬銜杯問謫居
巫峽啼猿數

行淚衡陽歸鴈幾封書
青楓江上秋天遠
白帝城邊古木疎
聖代卽今多雨露
暫時分手莫躊躇

五言絕句

詠史

尚有綈袍贈應憐
范叔寒不知天下士
猶作布衣看

閑居

柳色驚心事
春風厭索居
方知一杯酒
猶勝百家書

田家春望

出門何所見春色滿平蕪可歎無寧已高陽一酒徒

封丘作

州縣才難適雲山道欲窮揣摩新歸吏棲隱謝愚公

送兵到薊北

積雪與天迴屯軍連塞愁誰知此行邁不爲覓封侯

同羣公題張處士菜園

又見岑參集

畊地桑柘間地肥菜常熟爲問葵藿資何如廟堂

肉

逢謝偃

紅顏愴

一作創

爲別白髮始相逢唯餘昔時意無復

昔時容

七言絕句

九曲詞三首

許國從來徹廟堂連年不爲在疆

一作壇

場將軍天

下封侯印御史臺中異姓王

萬騎爭歌楊柳春千場對舞繡麒麟到處盡逢歡

洽事相看總是太平人

鐵騎橫行鐵嶺頭西看邏逆取封侯青海只今將
飲馬黃河不用更防秋

營州歌

營州少年厭原野狐

一作皮

裘蒙茸獵城下虜

一作魯

酒千鍾不醉人胡兒十歲能騎馬

劉辰翁云高古

玉真公主歌二首

常言龍德本天僊誰謂僊人每學僊更道玄元指
李日多於王母種桃年

僊宮僊府有真僊天寶天僊秘莫傳爲問軒皇三
百歲何如大道一千年

初至封丘作

可憐薄暮宦遊子獨臥虛齋思無已去家百里不
得歸到官數日秋風起

除夜作

旅館寒燈獨不眠客心何事轉悽然故鄉今夜思

千里霜

一作愁

鬢明朝又

一作更

一年

別董大二首

十里黃雲白日曛北風吹鴈雪紛紛莫愁前路無
知己天下誰人不識君

六翮飄飄私自憐一離京洛十餘年丈夫貧賤應

未足今日相逢無酒錢

送李少府時在客舍作

相逢旅館意多違
暮雪初晴候鴈飛
主人酒盡君
未醉
薄暮途遙歸不歸

送桂陽孝廉

桂陽少年西入秦
數經甲科猶白身
卽今江海一
歸客
他日雲霄萬里人

和王七玉門關聽吹笛

胡人吹笛戍樓間
樓上蕭條海

一作月關借問落

梅凡幾曲從風一夜滿關山

一本作塞上聽吹笛
云雪淨胡天牧馬還

月明羌笛戍樓間
借問梅花何處落
風吹一夜滿關山

聽張立本女吟

危冠廣袖楚宮妝
獨步閑庭逐夜涼
自把玉釵敲砌竹
清歌一曲月如霜